

მესტიის მუნიციპალიტეტის

სატენდერო კომისია

1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად

გამარტივებული ელექტრონული ტენდერი, როგორც თქვენთვის უკვე ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით. www.procurement.gov.ge

სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანების შესაბამისად.

გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 2 დღით ადრე.

სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა.

ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი. თუ სატენდერო განცხადებაში მითითებულია, რომ სატენდერო წინადადების ფასი წარმოდგენილ უნდა იქნას დამატებული ღირებულების გადასახადის (შემდგომში დღგ) გარეშე, მიმწოდებელი სისტემაში ფასს უთითებს დღგ-ს გარეშე, თუმცა თუ იგი დღგ-ს გადამხდელია, შესაბამისი ოდენობით თანხა გათვალისწინებული იქნება ხელშეკრულებაში.

ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. შესყიდვის ობიექტის მოცულობა, ტექნიკური და ხარისხობრივი მაჩვენებლები:

2.1. პრეტენდენტმა უნდა უზრუნველყოს მესტიის მუნიციპალიტეტის სოფ. ლენჯერში მდ. „ენგურზე“ რკინის ხიდის რეაბილიტაცია, მდ. „ენგურზე“ გზის დამცავი გაბიონის აშენება და სამარხილე გზის რეაბილიტაციის შესრულება, რომლის სავარაუდო ღირებულება შეადგენს 75 000 ლარს. შესყიდვის ობიექტის მოცულობა და მისი ტექნიკური პარამეტრები განისაზღვრება „დანართი 1“-ის შესაბამისად, რომელიც თან ერთვის აღნიშნულ სატენდერო დოკუმენტაციას და წარმოადგენს მის განუყოფელ ნაწილს. პრეტენდენტი ვალდებულია ტექნიკურ დოკუმენტაციასთან ერთად წარმოადგინოს შესასრულებელი სამუშაოს ხარჯთაღრიცხვა „დანართი 1“-ის შესაბამისად.

2.2. შესრულებულ სამუშაოზე უნდა გავრცელდეს 1 წლიანი გარანტია. გარანტიის მოქმედების ვადის ათვლა დაიწყება სამუშაოს დასრულების და შესაბამისი მიღება ჩაბარების აქტის გაფორმების მომენტიდან. ერთი წლის განმავლობაში შესრულებული სამუშაოს დაზიანების შემთხვევაში ნაკლის გამოსწორებას, დაზიანებული ნაწილის აღდგენას თავისი ხარჯებით უზრუნველყოფს მიმწოდებელი.

2.3. საბოლოო ანგარიშსწორება განხორციელდება მიმწოდებლის მიერ სამუშაოს სრულად შესრულებისა და სამუშაოს მიღება-ჩაბარების აქტის გაფორმების შემდეგ. მიმწოდებლის მიერ შესრულებული სამუშაოს ღირებულების დამადასტურებელი დოკუმენტის წარმოდგენიდან 30 კალენდარული დღის ვადაში.

შესაძლებელია, ასევე განხორციელდეს ნაწილობრივი, წინასწარი და შუალედური ანგარიშსწორება შემდეგი წესით: მიმწოდებელი უფლებამოსილია, ხელშეკრულების გაფორმების შემდეგ მოითხოვოს წინასწარი ანგარიშსწორება არაუმეტეს ხელშეკრულების სრული ღირებულების 30%-ისა. ამ შემთხვევაში, მიმწოდებელმა უნდა წარმოადგინოს ხელშეკრულების შესრულების საბანკო გარანტია მის მიერ მოთხოვნილ თანხაზე, რომლის მოქმედების ვადა 60 კალენდარული დღით უნდა აღემატებოდეს სამუშაოს შესრულების საბოლოო ვადას (მაგალითად, თუ ხელშეკრულების ღირებულებაა 100 000 ლარი, სამუშაოს შესრულების საბოლოო ვადა კი 2013 წლის 1 ნოემბერი და მიმწოდებელი ითხოვს წინასწარ ანგარიშსწორებას. მიმწოდებელს შეუძლია მოითხოვოს მაქსიმუმ 30 000 ლარი (ან ნაკლები), რისთვისაც უნდა წარმოადგინოს საბანკო გარანტია 30 000 ლარზე (ანუ, იმ თანხაზე, რასაც ითხოვს, შესაბამისად, თუ ნაკლებს მოითხოვს, ნაკლებს წარმოადგენს), რომელიც მოქმედებს 2013 წლის 31 დეკემბრამდე). შემსყიდველი უფლებამოსილია სამუშაოს შესრულების დაწყებამდე უარის განაცხადოს ავანსის გაცემაზე.

ამავე დროს, სამუშაოს ნაწილობრივ შესრულების შემდეგ მხარეთა შეთანხმებით, შესაძლებელია, მოხდეს შუალედური ანგარიშსწორება შესრულებული სამუშაოს აქტის საფუძველზე.

2.4. სამუშაოს შესრულებისათვის მიმწოდებლის მიერ დაქირავებულ თანამშრომელთა არანაკლებ 60% უნდა იყოს მესტიის მუნიციპალიტეტის მცხოვრები (მუდმივი საცხოვრებელი ადგილი უნდა ჰქონდეთ მესტიის მუნიციპალიტეტში). ამავე დროს მესტიის მუნიციპალიტეტში მცხოვრებთაგან დასაქმებულთა საშუალო ხელფასი არ უნდა იყოს სამუშაოს შესრულებისას მიმწოდებლის მიერ დაქირავებულ სხვა თანამშრომელთა საშუალო ხელფასის 50%-ზე ნაკლები.

3. შესასყიდი სამუშაოს შესრულების ვადა:

3.1 მიმწოდებელმა სამუშაოს შესრულება უნდა დაიწყოს ხელშეკრულების დადებიდან არაუგვიანეს 3 კალენდარული დღისა და დაასრულოს ხელშეკრულების დადებიდან 75 კალენდარული დღის ვადაში.

3.2 მიმწოდებელი ვალდებულია ტექნიკურ დოკუმენტაციაში წარმოადგინოს სამუშაოს შესრულების გეგმა-გრაფიკი. კერძოდ, მიმწოდებელმა ტექნიკურ დოკუმენტაციაში უნდა მიუთითოს კონკრეტულად რა სამუშაოს შეასრულებს ხელშეკრულების დადებიდან ყოველი 25 კალენდარული დღის შემდეგ (რა სამუშაო შესრულდება პირველი, მე-2 და მე-3 25 დღიანი პერიოდის განმავლობაში). მიმწოდებელი ვალდებულია, ყოველი კონკრეტული სამუშაო შეასრულოს არაუგვიანეს წარმოდგენილ გეგმა-გრაფიკში ასახული ვადისა.

4. მეთოდები, რომლებითაც უნდა იყოს გაანგარიშებული სატენდერო წინადადების ღირებულება:

სატენდერო წინადადების ღირებულება მოიცავს ტენდერის პირობებით გათვალისწინებული მომსახურების გაწევასთან დაკავშირებულ ნებისმიერ ხარჯსა და კანონმდებლობით გათვალისწინებულ გადასახადს, მათ შორის დღგ-ს.

5. დამატებითი ინფორმაცია:

პრეტენდენტმა სატენდერო წინადადებასთან ერთად უნდა წარმოადგინოს საკუთარი რეკვიზიტები (სახელი/სახელწოდება, საიდენტიფიკაციო კოდი, საბანკო მონაცემები, მისამართი, ტელეფონი). პრეტენდენტს არა აქვს უფლება წარმოადგინოს ალტერნატიული სატენდერო წინადადება.

სატენდერო დოკუმენტაციის შესახებ დამატებითი ინფორმაციისა და განმარტებების მისაღებად შეგიძლიათ დაუკავშირდეთ მესტიის მუნიციპალიტეტის სატენდერო კომისიის აპარატის წევრს, ქალბატონ მარიამ ნაკანს, ტელ: 599855558

6. სახელმწიფო შესყიდვის ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ერთის მხრივ, მესტიის მუნიციპალიტეტი წარმოდგენილი მესტიის მუნიციპალიტეტის საკრებულოს თავმჯდომარით და მეორეს მხრივ, ---- -----, (შემდგომში „მიმწოდებელი“), წარმოდგენილი ----- სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია მიმწოდებლის მიერ სოფ. ლენჯერში მდ. „ენგურზე“ რკინის ხიდის რეაბილიტაცია, მდ „ენგურზე“ გზის დამცავი გავიონის აშენება და სამარხილე გზის რეაბილიტაციის სამუშაო შესრულების (შემდგომში „შესყიდვის ობიექტი“) შესყიდვა, წინამდებარე ხელშეკრულებით გათვალისწინებული პირობების შესაბამისად.

1.2. შესყიდვის ობიექტის მოცულობა და მისი ტექნიკური პარამეტრები განისაზღვრება „დანართი 1“-ის შესაბამისად.

2. ხელშეკრულების ღირებულება

3.1 „შესყიდვის ობიექტის“ ღირებულება შეადგენს _____ ლარს.

3.2 „შესყიდვის ობიექტის“ ღირებულება მოიცავს ხელშეკრულებით გათვალისწინებული სამუშაოს შესრულებასთან დაკავშირებულ ნებისმიერ ხარჯსა და კანონმდებლობით გათვალისწინებულ გადასახადს, მათ შორის დღგ-ს.

3. შესყიდვის ობიექტის ხარისხი და გარანტია

3.1. შესრულებულ სამუშაოზე უნდა გავრცელდეს 1 წლიანი გარანტია. გარანტიის მოქმედების ვადის ათვლა დაიწყება სამუშაოს დასრულების და შესაბამისი მიღება ჩაბარების აქტის გაფორმების მომენტიდან. ერთი წლის განმავლობაში შესრულებული სამუშაოს დაზიანების შემთხვევაში ნაკლის გამოსწორებას, დაზიანებული ნაწილის აღდგენას თავისი ხარჯებით უზრუნველყოფს მიმწოდებელი.

4. სამუშაოს შესრულების ვადა და ადგილი

4.1 მიმწოდებელმა სამუშაოს შესრულება უნდა დაიწყოს ხელშეკრულების დადებიდან არაუგვიანეს 3 კალენდარული დღისა და დაასრულოს ხელშეკრულების დადებიდან 75 კალენდარული დღის ვადაში.

4.2 სამუშაო უნდა შესრულდეს „დანართი-2“-ის განსაზღვრული სამუშაოს შესრულების გეგმა-გრაფიკის შესაბამისად. კერძოდ, მიმწოდებელი ვალდებულია გეგმა გრაფიკით

განსაზღვრული კონკრეტული სამუშაო (მთლიანი სამუშაოს ნაწილი) შეასრულოს არაუგვიანეს „დანართი 2“-ით განსაზღვრულ ვადებში.

4.3. სამუშაო უნდა შესრულდეს შემსყიდველის უფლებამოსილი წარმომადგენლის მიერ მითითებულ ადგილას

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების და ექსპერტიზის დასკვნის შემდეგ.

5.2 ხელშეკრულების ობიექტის მიღებას ახორციელებს შემსყიდველისა და მიმწოდებლის მიერ საამისოდ უფლებამოსილი წარმომადგენლები, რომლებიც შესყიდვის ობიექტის მიღების შედეგების მიხედვით აფორმებენ მიღება-ჩაბარების აქტს.

6. ანგარიშსწორების ფორმა და წესი

6.1 ანგარიშსწორება მიმწოდებელთან განხორციელდება უნაღდო ანგარიშსწორებით, მიმწოდებლის ანგარიშზე თანხის გადარიცხვის გზით.

6.2 საბოლოო ანგარიშსწორება განხორციელდება მიმწოდებლის მიერ სამუშაოს სრულად შესრულებისა და სამუშაოს მიღება-ჩაბარების აქტის გაფორმების შემდეგ. მიმწოდებლის მიერ შესრულებული სამუშაოს ღირებულების დამადასტურებელი დოკუმენტის წარმოდგენიდან 30 კალენდარული დღის ვადაში.

6.3 შესაძლებელია, ასევე განხორციელდეს ნაწილობრივი, წინასწარი და შუალედური ანგარიშსწორება შემდეგი წესით: მიმწოდებელი უფლებამოსილია, ხელშეკრულების გაფორმების შემდეგ მოითხოვოს წინასწარი ანგარიშსწორება არაუმეტეს ხელშეკრულების სრული ღირებულების 30%-ისა. ამ შემთხვევაში, მიმწოდებელმა უნდა წარმოადგინოს ხელშეკრულების შესრულების საბანკო გარანტია მის მიერ მოთხოვნილ თანხაზე, რომლის მოქმედების ვადა 60 კალენდარული დღით უნდა აღემატებოდეს სამუშაოს შესრულების საბოლოო ვადას (მაგალითად, თუ ხელშეკრულების ღირებულებაა 100 000 ლარი, სამუშაოს შესრულების საბოლოო ვადა კი 2013 წლის 1 ნოემბერი და მიმწოდებელი ითხოვს წინასწარ ანგარიშსწორებას. მიმწოდებელს შეუძლია მოითხოვოს მაქსიმუმ 30 000 ლარი (ან ნაკლები), რისთვისაც უნდა წარმოადგინოს საბანკო გარანტია 30 000 ლარზე (ანუ, იმ თანხაზე, რასაც ითხოვს, შესაბამისად, თუ ნაკლებს მოითხოვს, ნაკლებს წარმოადგენს), რომელიც მოქმედებს 2013 წლის 31 დეკემბრამდე). შემსყიდველი უფლებამოსილია სამუშაოს შესრულების დაწყებამდე უარის განაცხადოს ავანსის გაცემაზე. ამავე დროს, სამუშაოს ნაწილობრივ შესრულების შემდეგ მხარეთა შეთანხმებით, შესაძლებელია, მოხდეს შუალედური ანგარიშსწორება შესრულებული სამუშაოს აქტის საფუძველზე.

7. სპეციალური პირობა

7.1. სამუშაოს შესრულებისათვის მიმწოდებლის მიერ დაქირავებულ თანამშრომელთა არანაკლებ 60% უნდა იყოს მესტიის მუნიციპალიტეტის მცხოვრები (მუდმივი

საცხოვრებელი ადგილი უნდა ჰქონდეთ მესტიის მუნიციპალიტეტში). ამავე დროს მესტიის მუნიციპალიტეტში მცხოვრებთაგან დასაქმებულთა საშუალო ხელფასი არ უნდა იყოს სამუშაოს შესრულებისას მიმწოდებლის მიერ დაქირავებულ სხვა თანამშრომელთა საშუალო ხელფასის 50%-ზე ნაკლები.

8. მხარეთა უფლება-მოვალეობანი

8.1 შემსყიდველი ვალდებულია:

8.1.1 უზრუნველყოს მიმწოდებლის მიერ შესრულებული სამუშაოს შესაბამისი ანაზღაურების გადახდა წინამდებარე ხელშეკრულებისა და საქართველოს კანონმდებლობის პირობათა დაცვით;

8.1.2 მიმწოდებლის მიერ ამ ხელშეკრულებით გათვალისწინებულის სამუშაოს ჯეროვნად შესრულების შემთხვევაში გააფორმოს მიღება-ჩაბარების აქტი.

8.2 შემსყიდველი უფლებამოსილია:

8.2.1 მიმწოდებლისგან მოითხოვოს უფლებრივად და ნივთობრივად უნაკლო შესყიდვის ობიექტის ხელშეკრულებით დადგენილი ოდენობითა და ვადაში მიღება;

8.2.2 მიმწოდებლის მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება;

8.2.3 თვითონ ან მოწვეული ექსპერტების მეშვეობით, დაუბრკოლებლივ განახორციელოს მიმწოდებლის მიერ შესრულებული სამუშაოს ხარისხის შემოწმება;

8.3 მიმწოდებელი ვალდებულია:

8.3.1 ხელშეკრულებით დადგენილ ვადაში ხელშეკრულებით დადგენილი ოდენობითა და ღირებულებით შეასრულოს ამ ხელშეკრულების გათვალისწინებული სამუშაო

8.3.2 ხელშეკრულების მოქმედების პერიოდში შემსყიდველს წარუდგინოს შესყიდვის ობიექტთან დაკავშირებით ნებისმიერი სახის ინფორმაცია და დოკუმენტები;

8.3.3 საკუთარი ხარჯებით უზრუნველყოს შემსყიდველის მიერ გამოვლენილი შესყიდვის ობიექტის მდგომარეობასთან დაკავშირებული ყველა ნაკლის აღმოფხვრა;

8.3.4 შესყიდვის ობიექტის მიწოდებასთან დაკავშირებით მოთხოვნის შემთხვევაში წარუდგინოს შემსყიდველს მიწოდებული შესყიდვის ობიექტის შესახებ შესაბამისი პირველადი დოკუმენტაციის ასლები და ანგარიში, რომლის შემდეგაც ფორმდება დადგენილი ფორმის მიღება-ჩაბარების აქტით;

8.3.5 დაუყოვნებლივ აცნობოს შემსყიდველს ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ;

8.3.6 ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს `შემსყიდველს-` შესაბამისი თანხმობის მისაღებად.

8.4 მიმწოდებელი უფლებამოსილია:

8.4.1 შემსყიდველისგან მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

9. უფლებების გადაცემა

9.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

10. ხელშეკრულების პირობების გადასინჯვის შესაძლებლობა

10.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, შესაძლებელია ხელშეკრულების საერთო ღირებულების გაზრდა არაუმეტეს სახელმწიფო შესყიდვის შესახებ ხელშეკრულების ჯამური ღირებულების 10%-ის ოდენობისა.

11. ხელშეკრულებაში ცვლილებების შეტანა

11.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. შეტყობინება

12.1 ნებისმიერი შეტყობინება, მხარის მიერ ხელშეკრულების შესაბამისად, გაეგზავნება მეორე მხარეს წერილობითი სახით, ხელშეკრულებაში მითითებულ მეორე მხარის მისამართზე.

12.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13. ხელშეკრულების შესრულების შეფერხება

13.1 ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შეუსრულებლობის

საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. ხოლო შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.

13.2 იმ შემთხვევაში თუკი ხელშეკრულების პირობების შეფერხების გამო მხარეები შეთანხმებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. ხელშეკრულების პირობების შეუსრულებლობა

14.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის „მიწოდებელს“ ეკისრება პირგასამტეხლო ხელშეკრულების ღირებულების 0,3%-ის ოდენობით, რომლის გადახდა უნდა მოხდეს ვალდებულებების შეუსრულებლობის მომენტიდან 20 (ოცი) სამუშაო დღის განმავლობაში. თუ დამრღვევი მხარე პირგასამტეხლოს სახით გადახდის შესახებ შეტყობინების მიღებიდან 20 (ოცი) სამუშაო დღეში არ გადაიხდის პირგასამტეხლოს, მას დამატებით დაეკისრება ჯარიმა ყოველ ვადაგადაცილებულ დღისათვის პირგასამტეხლოს თანხის 10%-ის ოდენობით.

14.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 პროცენტს, „შემსყიდველს“ უფლება აქვს შეწყვიტოს ხელშეკრულება.

14.3 საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისაგან.

15. ხელშეკრულების მოქმედების შეწყვეტა

15.1 ხელშეკრულების მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.

15.2 ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 2 (ორი) კვირით ადრე მაინც, ამასთან, უნდა მიეთითოს მიღებული გადაწყვეტილების საფუძველი და მისი ამოქმედების თარიღი.

15.3 ხელშეკრულების ცალკეული პირობების მოქმედების შეწყვეტა, არ ათავისუფლებს მხარეებს დანარჩენი ვალდებულებების შესრულებისაგან.

16. ფორს-მაჟორი

16.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

16.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

16.3 მხარე, რომელსაც შეეკმნა ფორს-მაჟორული გარემოება დაუყონებლივ აცნობებს ამის შესახებ მეორე მხარეს.

17. დავების გადაწყვეტის წესი

17.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

17.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

18. ხელშეკრულების ინსპექტირების პირობები

18.1 შემსყიდველს ან მის წარმომადგენელს უფლება აქვთ ხელშეკრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე.

18.2 ხელშეკრულების კონტროლს ახორციელებს შემსყიდველის მიერ გამოყოფილი სპეციალური ინსპექტირების ჯგუფი.

18.3 ინსპექტირება განხორციელდება წარმოქმნილი საჭიროებიდან გამომდინარე.

18.4 შემსყიდველი უფლებამოსილია განახორციელოს ხელშეკრულებით ნაკისრ ვალდებულებათა შესრულების, აგრეთვე მიღებული შესყიდვის ობიექტის ხარისხის, რაოდენობის, შენახვის და მიწოდების ვადების კონტროლი.

18.5 მიმწოდებელი ვალდებულია შესყიდვის ობიექტის მიწოდების განხორციელების დროს ინსპექტირების ჯგუფს შემოწმების პროცესში აღმოუჩინოს ხელშეწყობა, არ შეუქმნას ხელისშემშლელი პირობები და წარუდგინოს შესყიდვის ობიექტის მიწოდებასთან დაკავშირებით ნებისმიერი სახის ინფორმაცია და დოკუმენტები.

19. დასკვნითი დებულებანი

19.1 მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

19.2 ხელშეკრულების მხარეები ვალდებულნი არიან გაუფრთხილდნენ თითოეულის სახელს, საქმიან რეპუტაციას და ღირსებას.

19.3 მხარეები ვალდებულნი არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

19.4 ხელშეკრულების მხარეებს არა აქვთ უფლება გააკეთონ განცხადება, მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების შესახებ და ა.შ. თუ წინასწარ არ მოხდება შესაბამისი საკითხის ერთობლივი შესწავლა და შესაბამისი ფაქტების დადასტურება.

19.5 ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.

19.6 წინამდებარე ხელშეკრულება შედგენილია 2 (ორი) თანაბარუფლებიანი ძალის მქონე ეგზემპლარად და ინახება მხარეებთან.

19.7 „შესყიდვის ობიექტის მოცულობა და მისი ტექნიკური პარამეტრები“ (დანართი 1) და სამუშაოს შესრულების გეგმა გრაფიკი (დანართი 2) „დანართი 1“ და „დანართი 2“-ის სახით თან ერთვის ხელშეკრულებას და წარმოადგენს მის განუყოფელ ნაწილს.

შემსყიდველი:

სახელწოდება: მესტიის მუნიციპალიტეტი

მისამართი: მესტია, სეტის მოედანი N1

საბანკო რეკვიზიტები:

„სს ლიბერთი ბანკი“ მესტიის ფილიალი

ბ/კ LBRTGE22

ა/ნ GE67LBO120123697265000

ს/კ 235895046

საკრებულოს თავმჯდომარე:

გოჩა ხორგუანი

მიმწოდებელი:

7. „დანართი 1“

შესყიდვის ობიექტის მოცულობა და მისი ტექნიკური პარამეტრები